

Paul Tarnow

Programma, In funere ... iuvenis, Dn. Johannis Heermanni, Quod curabat mater vidua moestissima, Telesia Beselins, filio suo ultimo, ad diem XXV. Iunii, hora media prima, in templo Mariano, anno cl I CXXX. : P.P. ut codem omnes academiae cives convocarentur

Rostochi[i]: Pedanus, 1630

<http://purl.uni-rostock.de/rosdok/ppn771013000>

Druck Freier  Zugang



Tarnow, P.,
in J. Heermann.

Rost. 1630.

3

PROGRAMMA,
in funere

754
6.

*Doctrina & virtute ornatissimi
juvenis,*

DN. JOHANNIS
HEERMANNI,

Quod curabat mater vidua moestissima,
TELESIA BESELINS,
filio suo ultimo,

*ad diem XXV. Junij, hora media prima, in templo
Mariano, anno c1a 1a CXXX.*

P. P. ut eodem omnes academix cives con-
vocarentur.



ROSTOCHI

Typis JOACHIMI PEDANI Acad. Typ.



RECTOR
ACADEMIE ROSTOCHIENSIS,
PAULUS TARNOVIVS,
D. & Professor S.S. theologiae.

Permulta sunt, quæ de
impervestigabilibus DEI
vijs & de inscrutabilibus e-
jus judicijs ratio humana,
quia comprehendere non
potest, reprehendere non
veretur. horum non po-
strema sunt, quæ de iniquitate sortis bonorum
in hac vita, & de celeritate mortis eorundem
sæpe conqueri nonnullos audimus, quibus in-
dignum videtur pios calamitatibus affici & ex-
erceri, florentibus interim omni externa feli-
citate impijs, & hujus lucis usuram longiorem
non indulgeri ijs, qui ea præ ceteris dignissimos
se gesserunt, cum vita longævior sæpe etiam ob-
tingat ijs, qui nec Deo, nec sibi, nec alijs honori
aut emolumento esse student. Nos verò, qui
oracu-

178
oraculis divinis edocti sumus, justum esse Do-
minum, & rectum ejus judicium, certo scimus,
& confidimus, μηδὲν ἄλογον εἶναι πρὸς τὰς ἈόΓφ τῶν
ἡμετέρων, καὶ ἡμῖν ἔτω φαίνεσθαι, h. e. nihil rerum
nostrarum fieri citra rationem apud summam
illam & infinitam rationem sive Sapientiam,
etiamsi nobis secus videatur, ut in epistola ad
Eudoxium Rhetorem scribit Gregorius Na-
zianzenus, à temeritate illa & audacia censuræ
humanæ de vijs & judicijs divinis meritò ab-
stinemus, quorum causæ occultæ esse possunt,
injustæ esse non possunt. Parentibus pijs &
intelligentibus solemne esse non ignoramus,
ut, quos maximè amant & ad frugem bonam
pervenire optant de suis liberis, eos diligenrif-
simè sub severiori disciplina conclusos edu-
cent: peritis itidem hortorum cultoribus in
more & usu esse novimus, plantarum quasdam,
priusquam degenerent, evellere, ijsq; uti: quof-
dam florum, antequam è calice emergant, quof-
dam fructuum nondum maturorum decerpere,
& in mel aut faccarum recondere: quid mire-
mur aut indignemur, cœlestem illum paren-
tem nostrum, & magnum illum mundani horti
cultorem eadem cura erga nos affici, & idem si-
bi jus in nos, quos ipse in vitam velut prosemi-

navit, quos ad paradisi sui possessionem æternam excolit, quos rigavit, quibus incrementa dedit, usurpare, alium severius, alium mitius tractare, modò hunc, modò illum, serius, ocys, pro arbitrio liberrimo, pro judicio suo ut prudentissimo, ira justissimo, decerpere, quemque ad eum, quem ipsi destinavit, usum. Servum in arcana sua inquirere paterfamilias non permittit, quin ad ea, quæ ipsius curæ & fidei commissa sunt, perpetuò remittit: nos quoque, ne in offensionem & iram DOMINI nostri incurramus, illa alia, quæ ultra disquisitionem censuramque nostram sunt posita, lubenter indiscussa relinquamus, & hoc potius agamus, quomodo vitam hanc, quam singulari Dei gratia accepimus, ad ejusdem gloriam & publicam utilitatem, piè, honestè, & laudabiliter transigamus, & tandem beata migratione concludamus: id quod ornatissimo & politissimo juveni, Dn. JOHANNI HEERMANNNO, qui nobis de hisce iterum cogitandi scribendiq; occasionem subministravit, unicè propositum fuisse, ex ijs, quæ partim ipsimet de ejus vita & obitu beato novimus, partim ab alijs fide dignis accepimus, liquidò constat. Natus ille fuit in hac urbe anno 1600, die IX. Aprilis, circa horam octa-

octavam vespertinam, parentibus pietatis &
honestatis amantibus, patre viro prudentissi-
mo, CASPARO HEERMANNO, Senatorij
ordinis ornamento non vulgari, studiorum li-
beralium & in primis Musices cultori solertis-
simo, matre TELESIA BESELINS, ma-
tronalium virtutum nitore ornatissima: à qui-
bus ab ineuntis pueritiæ initijs in rudimentis
pietatis omnisque honestatis sedulo fuit & pri-
vatim domi institutus, & publicè scholæ Sena-
torix magistris & juventutis informatoribus
eodem fine traditus. horum industria & fide,
cum, benedicente eorum laboribus Deo, tan-
tum profecisset, ut aliò mitti ad uberio-
rem ingenij cultum capiendum posse videretur, able-
gatus est, ad C. L. V. Dn. M. JOHANNEM
KIRCHMANNUM, Scholæ Lubecensis
rectorem laudatissimum, ut non modò in cætu
illius ludi literarij disceret, sed etiam ex dome-
stico ejus convictu in sapientia & virtute profi-
ceret, biennium igitur ipsum cum in illa Im-
periali libera urbe transegisset, ad charissimos
parentes doctior meliorque est reversus. ut au-
tem, quæ non infeliciter cæperat, strenuè pro
ratione suæ valetudinis à primis annis imbecil-
lioris persequeretur, primùm hic in academia

A 5

pa-

157
patria aliquamdiu substirrit, deinde in superio-
rem Germaniam se contulit, & Witebergen-
sem, Lipsensem, Jenensemq; universitatem in-
vifit, ibidemque cum viris CL. & doctis. stu-
diosisq; amicis. conversatus est: proculdubio
ingenij animiq; cultura plusculum operæ da-
turus, si firmiores corporis vires ipsi divinitus
concessæ fuissent. Reversus ad lares patrios
matri suavissimæ & charissimæ, in quibus po-
tuit, adjumento fuit: pater enim anno abhinc
decimo tertio decessit. quam ejus erga genitri-
cem obedientiam & operam celeriori ex hujus
vitæ stadio evocatione Deus compensatam vo-
luit, uti exempla alia nonnulla testantur, non
sine temperamento poculi amarioris, quod ex-
hibere cœlestis pater suis solet. crebris enim
infirmis affictus fuit, & quæ ei tandem
ultima immissa, cum ea totum semestre spa-
cium colluctatus est, succumbente per mortem
corpore, vincente per Dominum nostrum JE-
SUM CHRISTUM spiritu, die 23. hujus men-
sis, quando in fide placide exspiravit. Hujus
defuncti juvenis exuvia, cum hodie terræ, ma-
tri nostrum omnium, ritu Christiano sint man-
dandæ, fas piumq; est omnes academiæ cives
postremum honorem sui ordinis amantissimo
lecta-

152
testatori præstare, & in eo non modò ostendere
condolentiam erga superstites, sed etiam bene-
volentiam & gratitudinem erga defunctum a-
vum paternum, Dn. NICOLAUM, & pa-
trem CASPARUM, HEERMANNOS,
Senatoriæ dignitatis viros, illum pro ratione
donorum divinitus sibi concessorum reipub,
patriæ commodis servientem, hunc, præter
illam publici officij curam, in ordinem litera-
rium & præcipuè musicos benignum & bene-
ficum, quod testatur hodie, & testabitur ad se-
ram posteritatem organi musici opus nobile in
templo Georgiano, ipsius solius sumptu exadi-
ficatum: cui simile non vidit ætas nostra à quo-
quam alio, etjam majoribus fortunæ bonis in-
structo, factum. insignis itaq; & eximiæ istius
liberalitatis quotquot sunt scientes & memo-
res, grati animi affectum hodie erga filium de-
clarabunt ultimo honoris officio. Nec præ-
tereunda nobis est silentio avia paterna, ELI-
SABETHA FRESEN, senatoris spectatissi-
mi, dn. NICOLAI FRESEN filia: neq;
avus maternus, ejusdem dignitatis Senatoriæ
consors, dn. IOHANNES BESELIN, nec
deniq; avia materna fœmina lectissima MAR-
GARETA STEINS, filia dn. IACOBI
STEINS.

STEINS, itidem unius ex patrum conscri-
ptorum laudatissimo ordine: quorum omnium
& singulorum gratia tenemur hanc significa-
tionem nostræ gratitudinis edere, cujus rei gra-
tia ut convenire non graventur, in templo
Mariano, hodie hora prima med: omnes acade-
miæ cives, rogo & publica voce eos invito: com-
mendari eadem opera salus & tranquillitas hu-
jus & vicinarum regionum satis afflictarum po-
terit DEO optimo maximo, unico pacis &
omnis boni auctori, qui diuturna eaque gra-
vissima calamitate pressos tandem clemens suo
benignovultu respiciat, & potenti dextera sua
liberet. P.P. Rostochij clō Io CXXX. XXV. Jun.



festatori præstare, & in eo
condolentiam erga supersti-
volentiam & gratitudinem
vum paternum, Dn. NIC-
trem CASPARUM, HE
Senatoriæ dignitatis viros
donorum divinitus sibi co-
patriæ commodis servient
illam publici officij curam
rium & præcipuè musicos
ficum, quod testatur hodie
ram posteritatem organi in
templo Georgiano, ipsius se-
ficatum: cui simile non vid-
quam alio, et jam majoribu-
structo, factum. insignis i-
liberalitatis quotquot sunt
res, grati animi affectum hi
clarabunt ultimo honoris
tereunda nobis est silentio:
SABETHA FRESEN, f
mi, dn. NICOLAI FR
avus maternus, ejusdem d
consors, dn. IOHANNE
deniq; avia materna fœmin
GARETA STEINS, fi

ostendere
tam bene-
dictum a-
M, & pa-
NNOS,
o ratione
n reipub,
c, præter
em litera-
& bene-
tur ad se-
nobile in-
tu exadi-
tra à quo-
bonis in-
mia istius
& memo-
filium de-
Nec præ-
na, ELI-
pectatissi-
lia: neq;
Senatoria
IN, nec
a MAR-
ACOBI
TEINS,

